



kat.komp.

17596

I

Mag. St. Dr.

P

et Martinus


Q

Paucosque Paulis Malagras in funere duo-
rum Juvenum Petri et Martini
Trebienstorum.

PANEG. et VITAE

Polon. 4^o

AE 1029.



M A L A G M A,
IN FVNERE DVORVM IUVENVVM

Illustrium & Generosorum Dominorum
PETRI ET MARTINI
TRZEBIENSCIORVM,

Illustrissimi ac Reuerendissimi Domini
D. ALEXANDRI
TRZEBIENSKI

EPISCOPI PRÆMISLIEN: VICECANCELLARII REGNI
Abbatix Andreouien: perpetui Administratoris
FILIORVM longè desideratissimorum,

A


P. Fr. PAVLO PACZOSKI S. Ord. Cistercien. Conuen.
Andreouien. Professo, Artium & Philosophia Doctore
Posthuma memoria officiosè

E X H I B I T V M.

In Ecclesia Coenobij Andreouien: Anno à partu
Virginis 1643. Die 14. Julij.

CRACOVIAE, Typis STANISLAI BERTVTOWIC.

In pullatum Stemma.




17596I

*Crux pietatis opes, Martis solea arma tuetur,
Hoc utrumq; decus, Frater uterq; tulit.
Hinc Petro Martinus ait, moriamur uterq;
Hac solea est mortis, Crux erit alma salus.
Mortuus est & uterq; tamen, meliore, superstes
Summis pro meritis, conditione viget.*



Fr. Nicolaus Zabierowski Conuent: Andreou:
S. O. Cister: Professus Phil: Auditor.



Illustriſſimo ac Reuerendiſſimo Domino

D. ALEXANDRO
TRZEBIENSKI
EPISCOPO PRÆMISLIENSI

Vicecancellario Regni Abbatiae Andreouien:
perpetuo Administratori

Domino & Macenati ampliſſimo.

QUod omnium noſtrum pectora perfodit acerrimè, Te inprimis pragrandi vulnere afflixit dolor Illuſtriſſ. ac Reueren: Domine. Nā in ſumma calamitate, eicere ex animo omnē penitus triſtitiā, infeſtiſq; caſibus nō condolere, humanitatis non eſt, ſed rigidae potius immanitatis argumentum. Quis verò eſt, tam emotæ mentis homo, qui ob inſperatum & immaturum duorum ſimul Tuorum Filiorum obitum, non ingemiſcat? quis ab alto profunda nō euibret corde ſuſpiria? Cum enim aquam mortalitatis legē, ante aliquot annos expleuiſſet, Coniūx Tua deſideratiſſima, generis claritudine, omniq; virtutum lumine Illuſtriſſima Heroi-na, relictā tamen tā beatā prole, duobus nimirū Filijs, ac Filiabus, poterat Te etiā abſens, in illa orbitate ſolari: niſi Tu Illuſtr. Domine prudentiſſimo & optimo conſilio, reliqua omnia humana ſolatia poſtponere viderēris, cum ad ſacrā vite conformationem, tanquā ad certiſſimū ſolatiōrū aſylum, properaſti, inq; Diuino præſidio, Tuas omnes ſpes, & opes defixaſti. At verò nunc, in hac tantā lubrica vite conſtitatione, à quo tandem recipies medelā? quis animo Tuo medebitur agerrimo? Filios enim Tuos, de quibus ſumma quæq; conceperas, & in quibus ſpem unicā ſeneſcutis, Familia decus, amicorū ſolatiū repoſueras, repetito vulnere orbitatis amiſiſti. O nimium fluxa vota mortalium! cum iam clariffima opti-me indo-

mea indolis specimina dedissent, exterarum nationes iteratò adijissent, subito è conspectu omnium erepti, funestam luctu Familiam, Patriamq; fecerunt. Sed fatalis ista fuit quâ subito Fratres oppressi sunt necessitas, quæ non solum Filios obsequentissimos è conspectu Tuo subduxit, sed etiam tempestiuè Tuam insignem patientiã excoxit igne tribulationis, ut non minùs prudentia in prosperis quam fortitudo Tua in aduersis spectaretur. Quare officiosius priuata quoq; mea lachryma erumpunt in publicum luctum, præsiciã gloriã; dum tumultu hereditaria TRZEBIENIANÆ Gentis virtus negat includi, altior sepulchrali monumento, & immani fortior Libitina. Quo audacius animum ad lucubrationem induxi meû, ut vel nò satis paratus in funeris pompã, ut pote in nostri Coenobij Andreou. Ecclesiã, in qua depositu nobilissimu, pignora tua carissima deponi iussisti, prodirem, acerbissimog; vulneri leniendo, dolori sanando, malagma pro ingenij tenuitate conspicerẽ. Fateor non inesse mihi eã doctrinã & dicendi vsum, ut Illustriu Filioru Tuoru virtutibus par esse possit; sed cû auro & precioso apparatu careã, nonne vel scypho aqua ex præterlabenti flumine haustæ gratitudinem animi mei sanctissimis animabus eorû ostendere debeo? Gratiã verò mentis significatio à me cliente Tuo iure suo exposcebat, ut hanc lugubrem Orationẽ non quidẽ sublimi ingenio Tuo dignam, sed cultus & obseruantia in Te mea pignus J. C. Tuae submissè consecrarem & dedicarem. Nam si me prouida in tanto memore defecerit eloquentia, saltem partes suas tueatur qui maximus pulato in syrmate loquitur dolor: & pietatis affectum, æternum TRZEBIENSCIANO nomini, addictissimi promoueat clientis.

*Illustriß. & Reuerendiß. Celsit. Tuae
 æternum deuotus ac humillimus*

cliens & exorator

FR. PAVLVS PACZOSKI Conuen. Andreou.
 S. Ord. Cisterciën. Professus
 Artiũ & Philosophiæ Doctor.



M A L A G M A.



VGVBRE & funestum spectaculum, quod implacabile fatum, dira & effera mors, duobus lectissimis adolescentibus, surculis generosis Reipublicæ Polonæ insertis, virtutibus & scientijs efflorescentibus, gratijs omnibus confertissimis, Illustribus & Generosis Dominis PETRO & MARTINO TRZEBIENSCII Illustriss. ac Reuerendis. Dñi ALEXANDRI TRZEBIENSKI EPISCOPI PRÆMISLIENSIS Vicecancellarij Regni Abbatiae Andreouiensis Administratoris perpetui filijs è medio sublatis, in hoc luctuoso pegmate, & pleno mæroris sarcophago ante oculos nostros proposuit, omnium corda graui fauciat dolore, & lachrymas excitat vberrimas. Quis enim siccis poterit spectare oculis, diram & inexorabilem Lachesim, quæ flores nitidissimos, Domus TRZEBIENSCIANÆ decora, inuenes nobilissimos, Patriæ olim Cives integerrimos & prudentissimos, acutissima falce demessuit? Quis animo dissimulare poterit dolorem, cum duo simul fratres dulcissimi, Illustrissimi Parentis sui solatia, quibus supremum exhibemus officium, intrâ nouem dies mortis acerbæ telo ferocissimo transfixi interierint? Obierunt duo gloriosi adolescentes, patriâ vix salutatâ post reditum ab nationibus exteris, atq;

ex scæna circoq; Reipub. Polonæ & orchæstra Regni totius eminentissima tragico funere sublata sunt & subducti, quis non ingemiscat? Extincta sunt sydera nitidissima, lumina clarissima, quæ virtutum suarum radijs orbem Polonum collustrare cæperunt præproperè extincta sunt; Oculi Illustriss. ac Reuerendis. D. Vicecancellarij Re-

Thren: 5. gni Antistitis solliciti *Contenebrati sunt, cecidit Corona capitis* domus inclytæ TRZEBIENIANÆ, quis poterit, temperare à luctu? quis peracribus sollicitudinum aculeis non conficietur? Illud præsertim exactius pensitans, quàm sit misera & lubrica humanæ felicitatis commutatio, quàm fragiles & inanes spes hominum & falsæ expectationes. *Nihil enim est in humanis rebus ac negotijs præter umbram auramq; lenissimam* ait Philo. Cuius tandem sensum grauisissimus non affliget mæror, quin multas effundat lachrymas? vt potè Deo O. M. præmonente,

Eccle: 38. qui lachrymis funera prosequi & ornare mandat. *Fili* (inquit) *produc lachrymas in mortuo, & quasi dira passus incipe plorare & non despicias sepulturam illius.* Summis effertur laudum præconijs à S. Paulino Pamachius, qui pulla veste, vultu mæsto, & profusione lachrymarum occasum & funus carissimæ suæ coniugis cohonestauit.

Epi: 35. *Quam nec vacuam (inquit) fletibus comitatus es primum, claro funeri iusta persolvens, pijs lachrymis & largo charitatis rore religiosas exequias honorasti, itaq; istius pietatis opus in te laudabo.* Neminem siquidem inuenire licet, qui non mediocrem rerum & fortunarum iacturam, preciosissimi margariti vel ornamenti inestimabilis amissionem non doleat, & non sentiat animi perturbationem. Nemo est qui fratris sui dilectissimi, filij amantissimi, Mæcenatis amplissimi, Patroni benignissimi, aut socij fidelissimi mortem non deploret. Magnus ille Alexander mortuo E-
phestione, quem magna fide colluit, tam acerbè mortem ami-

tem amici sui integerrimi tulit, vt propugnacula vrbs
diripi, parietes palatiorum dirui, recta domorum deiçi,
plerosq; gregarios homines interfici, ad mæroris & veri
amoris argumentum iusserit. Sed & magni quiq; viri,
Imperia potentissima, Regna opulentissima, diutino tem-
pore optimos & probatissimos Heroas, Ciues Reipub.
vtilissimos, subito fato ereptos tristi squalore & lachry-
mis irriguis luxerunt. En ecce in præsentiarum proponi-
tur nobis triste spectaculum, plena doloris imago, Illu-
striũ & Genorosoꝝ DD. TRZEBIENSCIORVM,
quos inexorable fatum, in ætate floridissima, Illustrißs.
Dño Patri mæstissimo, sororibus dolore plenis, amicis
& consanguineis squalentibus, & Regno Poloniae, eripu-
it & subduxit. Extincti sunt illi qui chari & honorati
omnibus, sapientiæ amantissimi, seniorum reuerentes,
æquales diligentes, venerantes præceptorum, Ciuibus &
hospitibus mitissimi, omnibus blandi, & ob aspectus gra-
tiam, affabilitatem, humanitatem, ac cæteras præclaras
virtutes, iucundi & multum amabiles extiterant. Quo-
modo ergo non indolebimus? quomodo lachrymas sua-
pte natura erumpentes inhibere poterimus? Expostulat
id à nobis naturæ nostræ condicio; *dolere siquidem morde-
riq; ex interitu filij* (ait Plutarchus) *fontem habet, qui non
est in manu nostra naturalem mæstitiæ.* Sors vitæ nostræ mi-
serabilis in qua nati sumus hoc ipsum desiderat, exem-
pla deniq; pientissimorum hominum nos prouocant,
vt Illustrium Iuuenum, pietate, eruditione, prudentiâ in-
signium funera, dolore & lachrymis ceu margaritis niti-
dissimis condecoremus, lamentis & suspirijs exequias pie-
tate plenas prosequamur. Opus istius pietatis in vobis
laudabo ait S. Paulinus. Sed cum omnes mæstos ani-
mos, & corda dolore pressa circumferentes, vberrimas
lachrymas profundere nitimur, & in immensum doloris
Oceanum

Oratione
Consol: ad
Apollo:

Oceanum prouehimur, tuba cælestis, Magni Doctoris qui in tertio cælo myſteria hauſit cæleſtia, inſonat, cum ait.

1. Theſſa-
lo : 4. *Nolumus vos ignorare de dormientibus vt non contriſtemini.*

Eccleſ: 22. Diuina quoq; ſapientia, autor ille naturæ DEVS abſtinen-
dum à mærore & ploratibus admonet. *Modicum (inquit)*
plora ſuper mortuum, quoniam requieuit. Quocirca ego, ta-
metſi probè nouerim ingenij mei imbecillitatem, piera-
tis tamen & non oſtentionis gratiâ teſtandæ, rudi mi-
neruâ & longe inferiore quàm merita & virtutes Illuſtriū
Iuuenum requirunt (ſilentium enim in tantorum Iuuenū
occaſu rumpendum cenſui) malagma exhibere, dolorem
leuare, & vim lachrymarum temperare conſtitui.

Onus Æthna grauius & humeris meis impar ſuſcepſiſſe
me munus arbitror, dum vulneribus cordium, dolori a-
cerbiſſimo, qui animos tranſfigit mæderi, lachrymarum,
rorem detergere propoſui. Non enim virium mearum id
negotium eſſe animaduerto, contra aquarum ſiquidem,
impetum niti, ventorum, vehementiam inhibere, atq;
adeò ipſi naturæ repugnare videbor. Magnæ perfectio-
nis & miræ autoritatis vir, decus Sacri Ordinis Ciftercien.
Abbas Claræ vallis Eccleſiæ Doctor mellifluus, Sanctiſ.
Pater Bernardus, tametſi aduerſa pati, & quæuis fortu-
næ ferocientis tela, animo lætiſſimo, & vultu renidenti
excipere conſueuiſſet, non tamen poterat à lachrymis &
lamentis abſtinuiſſe, nuntio trifti de morte fratris ſui Ge-
rardi accepto, ſic enim lamentatur & cordis interiorem
prodit dolorem. *Plango (inquit) primum ſuper meâ ipſus*
plagâ, atq; huius iacturâ domus, plango deinde ſuper pauperum,
neceſſitatibus, quorum Gerardus Pater erat, plango certè & ſu-
per vniuerſo ſtatu noſtri ordinis, noſtræ profeſſionis, qui de tuo
zelo, conſilio, & exemplo non mediocre robur capiebat, plango
poſtremo ſi non ſuper te propter te tamen. Difficile namq;
eſt diſſimulare dolorem vbi quis grauem perſenſerit ia-
cturam,

Sermo: 25
in Cant:

sturam, vel amiserit quod tenerrimè dilexit. Memini
quid Philosophus Euphrantes dixerit, amici sui solatio
destitutus. O Philosophia quàm onerosa sunt tua præce-
pta, amare iubes, & si quis amisit quod amabar, dolere
prohibes. Enimuerò animi Christiani robur, & dogma-
ta SS. Patrum, quæ maiorem vim, quàm Mundi huius
sapientia, habent, corda mærentia, inclamante Diuo Pau-
lo, *ut non contristemini*, vincant est necesse. *Non enim
ad ferendas leges in vitam ingressi sumus, sed obtemperaturi gu-
bernantium cuncta Deorum sanctionibus, fatig. & providentia,*
scitis ait Plutarchus. Vnde lex communis naturæ, atq;
adeo ipsius autoris rerum omnium & effectoris DEI, quam
etiam potentissimi mundi istius Monarchæ pati, & subi-
re coguntur, hortatur, ut illud quod impossibile est eui-
tere, animo tranquillo excipiamus. *Statutum siquidem est
omnibus hominibus semel mori.* Jacta alea, lata sententia..
Celerrima & fortissima est fati executio, omnium. Re-
gnorum & Imperiorum peragrat limites, ubiq; vela ex-
plicat, vim suam exerit, adeò, ut nemo reperiri possit,
quantumuis sit innocentissimus, quantumuis robore va-
lentissimus, qui regimen diræ mortis declinare, aut qua-
uis ratione impedire queat. *Regnavit mors ab Adam vsq; ad* ad Romanos
Moysem etiam in eos qui non peccauerunt. 5. Cum Darius Rex
coniugis suæ mortem deplorasset, nec lachrymas, & la-
menta cohibere vellet, Democritus Philosophus solatu-
rus Regem, paciscitur se à morte ipsam reuocaturum, si
tres viri illi statuerentur, qui nunquam lugubrem defer-
rent vestem, nec vnquam amicorum suorum, vel quo-
rumuis sanguine iunctorum mortem lugerent: quæsi-
ti sunt Principis mandato eiusmodi viri, & cum inueniri non
possent, Philosophus sic Regem affatus est. Vide Rex,
quàm inenitabilis sit omnibus fati necessitas, nefas est de-
flere, quod nefas est euitare. Spectemus quæso attentio-
ri oculo

ri oculo vniuersa mundi Regna, peragremus saltim Regni
istius & orbis Sarmatici fines, non facillè, vt mea fert sen-
tentia, inuenire poterimus vel vnicum, qui domus sue
iacturam, consanguinei sui mortem calamitosam non de-
plorarit. Deslet hæc vel illa domus inclyta, & nobilissi-
ma prosapia, insignem iuuenem morte sublatum imma-
turâ, qui olim parentibus solatium, domui ornamentum,
Reipub. decus & præsidium erat allaturus. Ast lachry-
mas temperat, dolorem leuat, communis & ineuitabilis
fati necessitas. Si necesse est (ait Socrates) semel vt a-
nima à corpore separetur, decet virum fortem, in eiuſ-
modi discrimine, non lachrymis & luctibus indulgere, sed
forti animo, communem hanc fati necessitatem ferre.
Fateor quidem nos non esse ex rigido chalybe vel ada-
manthe conſtaſſos, quin casibus humanis non ingemisca-
mus, instabiliq; fortunæ alea ob oculos proposita non
commoueamur: sed quia homo nihil aliud est, secundum
Aristotelem, quàm infirmitatis exemplum, temporis præ-
da, fortunæ ludus, ruinæ imago, inuidiæ & calamitatis
scopus; ideo meritò fati acerbitem, æquiore animo fer-
re, & lachrymas temperare debemus, cum deflectere a-
liorsum, ac ne sanguineis quidem lachrymis, mortem
quam congenitam nobis esse videmus, auertere cuiquam
sit concessum. Præclarè Comicus superuacaneas prædi-
cat lachrymas.

Si luctus eriperet grauis nobis mala.

Lachrymansq; post dolere semel desisteret,

Auri paranda lachrymæ precio forent.

Nunc non morantur res nec respiciunt eas

Verum viâ incedent eadem, fleueris

Necne o here. Quid profunt igitur? planè nihil.

Sed fructum habet maror vt folia arbores

Lachrymas.

Et quam-

Et quamuis calamitosi homines luctum & lachrymas veluti munus quoddam sibi oblatum reputant, (hoc enim solamen hominibus afflictis ipsa natura porrexit, vt multis lachrymis è cordibus egerent dolorem) generoso tamen & infraeto animo, sortem humanæ conditionis ferre, & fortitudinis insigne exhibere specimen, multò gloriosius est & laudabilius argumentum. Immortalem sibi laudem peperit Pericles ille insignis Orator, (qui ob dicendi & prudentiæ incomparabilem vim, cognomen Olympij adeptus est) quòd postquam, ambos filios suos, Parolum & Xantippum (quos Protagoras iuuenes fuisse formâ præcellenti affirmat) intra octo dies extinctos accepisset, miserabilem casum constantissimè tulerit, & animi solitam retinuerit tranquillitatem: quæ res tanto viro, maximam inter homines peperit admirationem, & ad gloriam quâ quisq; probus faciliè ducitur profuit mirificè. Nouerat enim prudentissimus vir, nihil noui filijs suis accidisse, vt pote cum sciret eos mortem præsentem in visceribus intimis circumtulisse. Ecce duo insignes adolescentes, singulari formâ præditi, lumina domus TRZEBIENSCIANÆ, Magni Periclis Sarmatici Illustriss. ac Reuerendiss. Dñi EPISCOPI PRÆMISLIEN: Vicecancellarij Regni filij PETRVS & MARTINVS intra dies propè octo, è statione vitæ istius miserabilis, ad immortalitatis palmam euocati sunt, inq; floridâ ætate, immaturâ mortè prærepti, tanquam flores succisi exaruerunt. Dabis veniam, Illustriss. ac Reuerendiss. Dñe Antistes, Pater mastissime, si verbis Sopatris Te compellauero. Perdidisti animi tui dimidium, vitæ subsidium, annorum lactamentum, laborum adiumentum, fortuna vtriusq; solatium. Quomodo ergo casum & sortem dulcissimorum filiorum, carissimorumq; pignorum iacturam tulisti? Compertum habeo, quòd mastissimo de morte

Generosi P^ET^RI natu senioris filij, nuncio accepto; in-
lob 1 Cap credibili patientiâ, pacato vultu, ingeminaueris: *Dominus*
dedir, Dominus abstulit, sicut Domino placuit ita factum est, sit
nomen Domini benedictum. Vnde persuasum, est cuiq;
quod etiam vtriusq; filij, fata, domus iacturam, atq; adeo
tyam ipsius calamitatem, Diuinæ commisisti voluntati;
& fati necessitatem considerans, fortior quàm Pericles
ille euasisti. *Quid enim est miraculi (ait grauissimus Plutar-*
chus) si quod sectile est sit dissectum: si eliquatum quod lique-
scere potest, si combustum quod aduri, si corruptibile sit corru-
ptum. Sed quid ego dolori temperando, & lachrymis
abstergendis à longe perita adhibeo leuamina? Ipsimet
Illustres & Generosi Iuuenes, qui à nostro conspectu,
dum vitæ fabulam peragerent, sublati sunt, cordibus mæ-
stissimis, pharmacum apponunt gratissimum, & dolori
salutarem ministrant medicinam. Martia enim proles, ac
generosa propago, virtutum suarum splendore, & hone-
stissimarum actionum, ornamentis, quæ immatura qui-
dem, at felicissima consecuta est mors, Illustriß. Domini
Parentis sui mærorem, afflictissimorum, amicorum, &
omnium qui tristitiam præferunt, mitigat dolorem.
Relucebant in hisce magnanimis adolescentibus, virtutes,
& insignes animi dotes, Illustrium & Generosorum Do-
minorum TRZEBIENIORVM auorum, abauo-
rumq; suorum, quos virtutum imitatione referebant, ni-
mirum NICOLAI proau, STANISLAI aui, viro-
rum bellicâ virtute clarissimorum, quorum, promerita
Serenissimi Poloniae Reges, SIGISMVNDVS II. &
SIGISMVNDVS AVGVSTVS, iustis honoribus
illustrarunt, & magnificis laudibus prosecuti sunt, quorû
memoria in omnium ore Ciuium Poloniae semper reflo-
rescet, semper innoabitur. Referebant præcipuè & re-
præsentabant eximia spe Magnum illum MARTINVM

TRZEBIENIVM equitatus Regij Centurionem ac
Præfectum, abauum suum bellicosissimum virum, & di-
sciplinæ militaris peritissimum, qui Regnante SIGIS-
MVNDO I. ad annum 1520. vt refert Vapouius,
duo Tartarorum milia in Regni fines irruimpentia, exigua
manu militum aggressus, profligauit, reliquos in fugam
vertit, omni prædâ & spolijs opimis ab hostibus detra-
ctis. Siquidem & hi Illustres Iuuenes, ad nationes exo-
ticas destinati, exercitatione corporis, in scholâ palæstri-
tarum peritissimos quosq; Palæstras æquabant, dum
breuissimo temporis spatio, hastam, galeam, scutum ge-
stare, vibrare enseni, imitari quosq; exercitatissimos, eti-
am pugnae grauioris speciem exercere didicerunt. Relu-
cebant in ijs præclara quæq; virtutum, decora & orna-
menta ab Illustrissimo Parente medullitis instillata. Et
quidem non mearum virium est, nec hoc tempus poscit,
vt vel leuissimè raras virtutes, animi magnitudinem, pru-
dentiam incomparabilem, dexteritatem in agendo, Illu-
strissimi Domini piè defunctorum Iuuenum Parentis at-
tingam: singula hæc & multò maiora D. SIGISMVN-
DVS III. REX in Illustrissimo Domino admirabatur,
& Honoribus ac Dignitatibus illustrauit. Serenissimus ve-
rò VLADISLAVS IV. feliciter regnans, ac vniuer-
sa Respublica, imò externæ nationes venerantur. Vel
ipsi amplissimi Honores virtuti ipsius & promeritis, qui-
bus Patriæ aras & focos, plurimum bello & pace iuuit
ac illustrauit debiti, testantur, cum in Arcopago Sarmat-
rico, Senatoriam sedem, Pontificiam dignitatem, & sum-
mum Procancellariatus Regni munus, à Serenissimo Re-
ge virtutū arbitro & æstimatore sapientissimo, cum omnium
applausu & magnificis acclamationibus est consecutus.
Meretur profectò Illustrissimus Dominus Magnorum &
insignium virorum nomina, quos imitatione expressit,

imò infinitis superat & transcendit parasangis. Ergo non peccauero Illustissime Domine, si Te Numam Pompili-um ob templorum & Diuorum venerationem, appella- uero, Iulium Cæsarem, quod hostibus facile ignoscere, consueueris: Octavianum quod populo vniuerso sis cha- rus, Alexandrum Magnum ob summam in omnes, maxi- mè verò literarum cultores beneficentiam, Hectorem Troianum quod strenuus & animosus bellator fueris, E- paminondam Thebanum quod tam præclarè viribus v- sus sis: si deniq; prudentissimi & eloquentissimi Vlysis nomen tibi dederò, quod tanta pericula adieris, præcipuè in legatione à Serenissimo VLADISLAO IV. ad Amuratem Turcarum Tyrannum demandata ac felici- ter suscepta. Hoc enim in munere omnia animo excelso & heroico, prudenti suadâ, mirâ dexteritate, constantiâ infractâ, cum honore Serenissimi Regis, & Reipub. Po- lonæ dignitate, & cum omnium admiratione superasti. Sed non est propositi mei, nec temporis præsentis, laudes tuas Illustissime Domine canere, quas omnium calami & linguæ magnificè semper prædicabunt, & nulla vn- quam ætas conticescet. Eò dico, & illud adfero, quod talis ac tanti Parentis Illustres filij, in florentibus annis, quantum per ætatem licuit, magnarum virtutum speci- mina exhibentes, non degeneres se à Te Illustissime Domine, à proavis, & auis bellicosissimis, à domo & familia amplissima DD. NARAIORVM & OZGARVM à quibus descendebant materna domo, lucu- lentissimè testabantur. Admirabantur domestici, videbant Ciues Patriæ, magnæ virtutis adolescentes, atq; in spem illorum expectatione erecti, Reipub. felicitatem, domui vetustissimæ TRZEBIENSCIANÆ claritatem, o- minabantur, quod ex vultibus eorum, iucundissimis & obrutibus ipsis omnium bonorum semina, virtutum cer- tissima

rissima indicia, gloriæ seges amplissima clarissimè digno-
sceretur. Intuebantur pleriq; singularem eorum in dolem,
sublimem rerum notitiam; raram prudentiam quam eti-
am exteri, apud quos gratiâ scientiæ & eruditionis con-
quirendæ commorabantur, demirabantur, & magnos il-
los olim in Repub. Sarmatica fore augurabantur. Li-
cuit cuius inspicere comitatem eorum, & innatam hu-
manitatem, modestiam, mansuetudinem, morum inté-
gritatem, ob quarum virtutum dona, omnium beneuo-
lentiam & amorem sibi conciliarunt, Illustriissimo Domi-
no Parenti, inclytæ domui TRZEBIENSCIANÆ
solatium; reliquis admirationem attulerunt. Nimirum,
ab ineunte ætate, ab Illustriissimo Domino parente eo
tempore officium & munus Succamerarij Terræ Leopoli-
ensis gerente, & lectissimâ olim Annâ Magnifici O Z G A
Venatoris Terræ Leopoliensis filiâ, religiosissimâ & pienti-
ssimâ Matre suâ, sanctè educati & alti, pijsimè institu-
ti, à Præceptoribus autem probis & eruditis ad virtutem
primùm & pietatem edocti, in scientijs quoq; non me-
diocres fecerunt progressiones. Ingenij namq; mira fe-
licitas in eis & acumen, in percipiendis disciplinis omni-
bus celeritas, in retinendis facilitas quam in defessus la-
bor iuuabat, atq; incredibilis quædam naturæ vis & præ-
stantia manifestissimè eluxit. Quid ego eorum mores in-
tegrerrimos prædicem? quid festorum dierû ieiuniorumq;
intemeratam obseruantiam, in nationibus etiam exoti-
cis seruata commemorem? Vel ipse feruor & deuotio
erga Augustissimam cælorum Reginam Deiparam Virgi-
nem MARIAM, dum agerent in medio nationis prauæ
atq; peruersæ (Hæreticos intelligo qui nec inter semet-
ipso conueniunt, sed omni vento doctrinæ quasi turbi-
ne exagitati circumferuntur) immutata, testatur, quâ He-
roinam mundi, Patronam suam clementissimam ita ve-
nerati

nerati sunt, vt ne vllam quidem ipsius festiuitatem præterire parerentur, quâ sacro Pœnitentiæ & Diuinissimo Eucharistiæ Sacramento non reficerentur. Suspiciendum illud fuit ac penè stupendum in Generosis & Magnanimis adolescentibus, quòd pietatem & religionem sanctissimam, ac dogmata fidei, ex animo sedulo colerent, neq; ab institutis Ecclesiæ orthodoxæ, cultuq; Dei Ter Opt: Max: quem ab optimis & religiosissimis Parentibus, ac probatâ vitæ præceptoribus hauserunt, nullis omnino infidiosis assentationibus & illecebris auocari, nec exemplis gentis illius, inter quam scientiam rei militaris, locorum positiones, & rerum diuersarum notitiam quærebant, auelli potuerunt. Et quam à teneris annis cum lacte, quodammodo materno pietatem erga Deiparam Virginem MARIAM & cælestis aulæ incolas hauserunt, ad extremum vsq; halitum constantissimè retinuerunt. Nec mirum. Non enim deliciarum lenocinia, non mundi fallacis vanitates, & inanes ventos captabant, non ludis indulgebat, non turpi otio Epimenidis somnum indormientes, languebant, quemadmodum pleriq; in eiusmodi ætate solent: sed in colligendis prudentiæ & eruditionis præsidij & ornamentis, in Academijs celeberrimis, inter homines ingeniosissimos, sine omni molestia, singulari cupiditate discendi incitati, omnem cogitationem & studium collocarunt. Quippe proposito exemplo Illustrissimi Domini Parentis sui, ad illum respicientes, expectationi & spei magnæ, quæ in eis affulserat, respondere volentes, splendori generis lumen adhibere sapientiæ procurarunt, nec vnquam se ab honestissimis abducebant studiis, nisi aliorum studiorum gratiâ. Reliquum etenim tempus armorum exercitationi, & consuetudini eorum, à quibus aliquam eruditionem quærere possent impendebant, nihilq; eis maiori fuit curæ, quàm ne quis præterlaberetur dies,

dies, quo nihil noui addiscerent, aut nihilo præstantiores inuenirentur. Et quidem secundo rerum sine vlla offensione cursu, scopum destinatum attigerunt. Cum enim pietatis & prudentiæ, quæ à bonâ profluxerunt educatione, præsidij firmati fuissent, facile periculosa blandiciarum vada, vitiorum Syrtes, & voragines, quibus pleriq; irretiri solent, euitarunt: virtutum verò felicem ingressi semitam Generosi adolescentes, clementes, & benigni, temperantes, moderati, pudici, & modesti euaserunt. Vidiſſes in Illustribus hisce & præclaris iuuenibus, fratribus dilectissimis, magnam animi demissionem, singularem in omnes obseruantiam, in rebus arduis virilem constantiam, in aduersis firmam patientiam, & animum in omnibus actionibus excelsum. Admirari posses quòd præteritorum memores, præsentium sagaces indagatores, futurorum acuti coniectores, vtilium publicè priuatimq; diligentes, & oculatissimi in omnes partes fuerint prouisoires. Ipsamet gens Italorum ingeniosissima, demirata est excellens ac propè Diuinum eorum ingenium, ac dotes corporis & animi præcellentes. Italiam siquidem primò, regionem virorum eruditissimorum feracem adierunt, vbi in honestissimarum artium comprehensione, & præcipuè earum, quæ Reipub. olim forent salutare immorati sunt: vnde omni scientiarum copiâ abundantes, floribus virtutum exornati sospites redierunt. Iteratò ad remotiores Regnorum partes in Gallias & maritimas regiones voluntate Illustriſſimi Domini Parentis sui destinati, vt non modo Diuinarum & humanarum rerum cognitionem peruestigarent; (nihil enim tam inuolutum & reconditum in naturæ recessibus reperiri potuit, quod illi mirabili bonitate ingenij non comprehendissent) verùm etiam vt à magis

stris peritissimis rei militaris capefferent rationes. Nec frustratum spe suâ Jlluſtiſſimus Dominus parens se eſſe recognoscebat, in laudatiſſimis enim & honeſtiſſimis occupationibus; exercitatione corporis, in ſcholâ militari inter Nobiliſſimos Iuvenes & exercitatos palæſtritas, ita tempus inpendunt, vt glorioſi olim futuri eſſent bellatores. Cum enim ab his duabus artibus & diſciplinis, quæ maxima poteſt eſſe dignitas & vtilitas, non modo perſonæ eas poſſidentis verum etiam Reipub. amplitudo, proſſuat, totaq; vis & robur cuiuſq; Imperij contineatur & amplificetur; quid mirum ſi tam præclaras artes, à primis ſerè annis, quaſi binas nutrices, æ-xempla maiorum ſuorum, auorum atauorum, atq; adeò Jlluſtriſſimi Domini Parentis ſui ſecuti, tenuerunt, complexi ſunt, & arctiſſimè adamarunt? Et merito ſanè atq; optimo iure. Scientia ſiquidem rei militaris, pacis & publicæ tranquillitatis baſis eſt, & fundamentum firmiſſimum: cuius beneficio illud habetur, quòd ſcilicet Ciues & incolæ Reipub. patriâ, Regno, aris & focis, liberis, amicis, cæterisq; omnibus rebus, quæ ad vitæ noſtræ ſuſtentationem faciunt, vel oblectationi, & alijs commodis humanæ mortalitatis deſeruiunt, iucundè & feliciter perfruamur. Quod quidem ita clarum eſt vt nullâ egeat probatione. Ciuis enim patriæ amantiſſimus, ſi rei militaris ſcientiâ fuerit inſtructus, non modò ſibi gloriæ monumenta, ſed Reipub. quoq; quæ poſſunt eſſe maxima & ampliſſima commoda, armis acquirere ſolet: quibus etiam hoſtes proſſigare, iniurias Reipub. illatas reprimere, amicos & patriam tueri, fines imperij dilatare, hoſtem è limitibus patrijs expellere, vim omnem propulſare faciliſſimè poteſt. Ex literis autem honeſtiſſimis tanquam ex fonte & ſcaturigine indeficienti, omne de-
cus

cus & ornamentum, Reipub. felicitas, morum pulchritudo dimanat copiosè, Quis enim nesciat eam esse literis inditam vim & facultatem, vt harum beneficio, humanarum & Diuinarum rerum scientia promoueri, leges vtilissimæ statui, iura Ciuitatum describi, morum, instituta proponi, res præclarè gestæ ne cum tempore intereant, & alto silentio atq; obliuione sepeliantur, futuræ posteritati relinqui, atq; conseruari quam diligentissimè possint? Hæc duo Generosi Iuuenes Illustrissimi parentis sui monitis, & per se diuinitus ita sentientes, tanto aggressi sunt studio, ita se ijs rebus persequendis tradiderunt, vt viros futuros perfectissimos dicere nemo vnquam dubitaret. Sed vt non satis maturos ab eis fructus Respub. hæc Sarmatica florentissima, patria dulcissima, Illustrissimus Parens, domus inclyta & auita TRZEBIENSCIANA, OŹGOVIANA, NARAIIOVIANA, perciperet, factorum iniuria (si fas ita dicere) factum est: ne inquam Patria amici, sanguine iuncti, cæteri; qui ob insignes dotes istos suspiciebant adolescentes, fæcundam referrent felicitatem. Si enim admirandum illud ingenium, animi magnitudo, rara fortitudo, multarum rerum experientia, in ætate florescente, omnium, oculos perstrinxit: quales tandem illi viri, quales senes forent, si altioris ætatis annos à fatalibus telis immunes contigissent? Si huiusmodi naturæ, ingenij, & exercitationis præsidijs solidiores anni, consiliorum grauis maturitas, accessisset? Quo fuissent amore in Patriam, vel ipsi animi eorum excelsi testabantur. Omnia etenim sua consilia, dicta, facta, scientiam & eruditionem solidam, exterorum peragrations, Principum virorum aditus, eo susceperunt animo, vt aliquando patriæ ornamentum,, Ecclesiæ præsidium, Illustrissimo Domino Parenti solati-
um, ami-

um, amicis atq; Familiæ Nobilissimæ honorem, & emolumentum singulare conferrent. Sed heû! vbi iam omni genere scientiarum, facultate dicendi, scribendi subtilitate & acumine instructi, præclarisq; ingenij & naturæ dotibus supramodum ornati essent, ex locorum maritimorum & aëris intemperie, in exoticis nationibus degentes, diuersisq; itinerum defatigationibus ac mutationibus, catharos graues, tandem *κακῆζιαν* seu macrorem contrahunt, quæ vis morbi, curâ & sollicitâ vigilantia Illustrissimi Parentis, Medicorum peritissimorum consilijs, omnibusq; adhibitis remedijs nullatenus potuit amoueri: sed Illustribus adolescentibus mortalis finem, æternæ verò & felicitis vitæ ^{finem} dedit. Enimverò licet fatali necessitate, & sæua Parcarum manu tam Illustres adolescentes, nobis sint intercepti, & spes omnes, solatium, expectatio Illustrissimi Domini Parentis, domus Nobilissimæ, & Patriæ charissimæ præcisæ; vulneris tamen acerbitem sanare, & ægritudinem quâ animi nostri affligantur, illud vnicum leuare potest, quod omni genere virtutum instructissimi, Sacramentorum pharmacis Diuinis præseruati, virorum Ecclesiasticorum & spiritualium Patrum doctrinis salutaribus præmuniti, atq; adeò DEI gloriosissimi auxilio freti, Diuorum Tutelarium cumprimis Beatissimæ Virginis MARIÆ, cuius deuotissimi famuli semper extiterant, precibus gloriosis fulti, ad palmam immortalem capeffendam transierint. Exiguum fortè quispiam vitæ curriculum tam insignibus adolescentibus naturam, circumscripsisse incusabit? Ast

Sapien: 4 *consumati in breui, impleuerunt tempora multa.* vt ait Diuina sapientia. *Senectus enim venerabilis est non diuturna neq; numero annorum computata. Cani sunt sensus hominum & ætas senectutis vita immaculata.* Neq; enim qui plurimum Cythara

thara cecinit, aut causas dixit, aut nauem gubernauit, sed qui rectè suo functus est officio commendatur. Rectum autem non in temporis longinquitate, sed in virtute & competentia locandum tempestiua, hoc enim fortunatum & beatum habetur, quod cum virtute, pietate, temperantia, magnanimitate coniunctum est. Quid quòd mors eorum felicissima, quam etiam religiosissimi quique viri meritò exoptassent, vitæ eorum piè & religiosè transactæ certissima adfert testimonia, quod grauioribus doloribus pressi, iam ad fabulæ suæ catastrophe accedentes, sacra mysteria ritu Christiano expetierint, & venerabundi sumpserint, quòd se totos Deo benignissimo, religiosi verbis & pijs suspirijs commendauerint, quòd in eius clementia & misericordia cuius non est numerus, fiduciam suam collocauerint. Nonnè hæc singula virtutum eximiarum, quarum splendore coruscabant Illustres adolescentes, ita produnt argumenta, vt nullius eloquio vel præconio indigeant? Interfui ego Cracouiæ, dum Illustri Dominus MARTINVS TRZEBIENS CIVS vltimum ageret spiritum, nec sine lachrymis, pia ipsius vota, exactam ad futurum iter vitæ immortalis preparationem, SS. Sacramentorum desiderium, & deuotam perceptionem videre potui. Liceat mihi hoc loci vel illam solam, ipsius mortis felicitis indicem, vocem referre (multos enim præclaros actus eius: & dicta digna relatu tacitus prætereo) LÆTVS (inquit) MORIOR. O quam rara & inaudita vox in ore adolescentis moribundi! Vicit profectò animi magnitudine Generosus hic adolescens Iacobum, Patriarcham, qui dum gauderet aspectibus filij sui Iosephi, in hæc prorupit verba. *Letus moriar, quia vidi faciam tuam.* Quæ quidem verba cum iam annorum esset centum triginta, Gene: 46.

idq; non in præfenti sed in futuro tempore protulit. At
noster MARTINVS TRZEBIENSCIVS imi-
tatus fortitudinem Tutelaræ suæ, quem sanctissimè coluit
D. MARTINI, cum excessisset annum vigesimum pri-
mū, aureo vitæ tempore, desiderio vitæ longioris abiecto,
amore honorum, diuitiarum & multarum possessionum,
ad quæ certissima spe vocabatur, exsibilato, intrepidè in-
geminabat. Lætus morior. Tandem cum mortem sibi
adesse prædixisset; indicauit se iam resolui, moxq; di-
ctis verbis Psalmographi *In manus tuas Domine commenda-*
spiritum meum, vocem interclusit, & animam puram,
Deo placentem, operum bonorum satellitio cinctam, à
quo acceperat reddidit Saluatori. Vnde nemini dubi-
um esse potest, quin vnà cum Illustri & Generoso PE-
TRO Fratre suo dulcissimo, pietatis, quam felix & læ-
tum secutum est lethum à Deo Opt. Max. acceperit re-
munerationem. Refertur Cleobis & Bitonis iuuenum
insignium Matrem, sacerdotem fuisse Iunonis, hæc cum
die festo instante, ad delubrum Deæ veheretur, & iu-
menta currui iuncta concidissent subito exanimata, filij
quod probos decebat, hoc subierunt iugum, currumq;
vna cum matre, loris cincti ad locum sacrificijs destina-
tum deduxerunt. Supramodum exultans mater, precata
est cum lachrymis Iunonem, vt eis optimum quod dari
posset mortalibus, daret. Cui respondit Diua, se ratas
habere illius preces, & votis annuere. Tale autem præ-
mium & remunerationem, pro eximia pietate, illi duo
filij, receperunt, quòd postquam epulati cum Matre, tan-
dem cubitum concessissent, mane inuenti sunt mortui.
Duo Illustres & Generosi Iuuenes, Illustrissimi Domi-
ni Vicecancellarij Regni, Summi Dei Pontificis, obse-
quentissimi filij, ad omne imperium & nutum Illustrissi-
mi Domi-

mi Domini Parentis promptissimi, à vero Deo Opt.
Max. hoc virtutum suarum & pietatis præmium, hanc
adepti sunt remunerationem, quòd ipsius cælestis Impe-
ratoris voce, ex vitæ istiusstatione, ex Circo Regni Polo-
niæ amplissimo, ad illud immortalitatis Prytaneum sint
euocati, vbi gloriosi Iuuenes, pro meritis & virtutibus
quibus effulgebant, fælicissimâ Dei præpotentis perfru-
untur visione. Duo insignes JASZE BECII de do-
mo TRZEBIENSCIANA, PETRVS & MAR-
TINVS, virtutum alis subuecti, aquilæ magnarum ala-
rum volatibus prouocati, ad sublimem sedem Dei, ad o-
lympum cælestem, ad palmam immortalitatis euola-
runt, vbi quiete felicissimâ, & iucundâ beatitudinis pos-
sessione gloriantur. Quis ergo incusabit mortem eo-
rum præmaturam? quis felicem eorum ex hac misera-
bili vitâ grauissimè deplorabit transmigrationem? Cum
(dicente Friderico Imperatore) summum hominis bo-
num sit, bonus ex hac vitâ exitus. Mors namq; beata,
non solum quies ærurnarum est (vt placet Salustio)
non tantum malorum remedium, (vt Sophocles ait) sed
etiam via est & ianua vitæ immortalis. Non est igitur cur
immoderatæ tristitiæ nos dedamus, & sine modo lachry-
mas profundamus, cum insignes adolescentes, pietatis
eruditionis, & sapientiæ gloriâ præstantissimos, secun-
dum vnâ sui partem, à nostro conspectu, à nostro con-
fortio subductos videamus. Viuunt illi parte sui potiore,
& viuent æternùm, iucundâq; eorum memoria, non
solum in animo Illustrissimi Domini Parentis, dulcissi-
marum sororum, & affinium longè charissimorum, ve-
rùm etiam Regni totius semper innouabitur. Educti sunt
Diuinâ voluntate ex carcere, & ergastulo corporis, & in
æternam asserti libertatem; à morte, ad vitam, à cor-
ruptione

ruptione ad securam quietem, à mortalitate ad immortalitatem, ab ærumnis ad felicitatem transmigrarunt, & quidem in flore virentis ætatis. Quid ita? *Placenter Deo facti dilecti, viuentes inter peccatores, translati sunt. Rapti sunt ne malitia mutaret intellectum eorum aut ne fictio deciperet animam eorum.* Noluit Diuina Prouidentia tam decoros adolescentes, omnibus donis cumulatissimos, virtutum ornamentis illustres, omnibus gratissimos, vitæ huius mortalis longâ temporum serie esse particeps, sed continuò illos ex hac peregrinatione, & exilio ad patriam vitæ æternæ reuocauit. Nec immeritò. *Placita enim erant Deo animæ ipsorum, propter hoc properauit eos educere de medio iniquitatum.* Hominum seu potius vulgi opinione multis calculis feliciores sunt, quibus longior vitæ concessa est, quàm ij, qui è viuis, à consortio amicorum morte immaturâ abripiuntur: sed qui rem peniciùs introspexerit, facile deprehendet isti opinioni falsitatem subesse. Diuina etenim bonitas, ita præordinauit, vt persæpè dilecti Dei famuli, quorum spiritus à terrenis rebus longè remotissimus, arctissimo amoris vinculo ipsi Deo vnitus est, è medio Babylonis educantur, & communi viuientium aurâ priuentur: illi verò quorum opera ipsius displicent Maiestatì, diutius agunt in terris, vt tandem vel temporis diuturnitate ad meliorem redigantur frugem. Rex populi Israëlitici vir secundum cor Dei, posteaquam de nece & interitu filij sui Absalon, qui manus sacrilegas contra Patrem tetenderat, nuncia tristissima accepisset, in lachrymas solutus, eiusmodi lamentatur verbis: *Absalon fili mi, fili mi Absalon, quis mihi tribuat, vt ego moriar pro te.* Voluit pientissimus Pater ipse mortem subire, dummodò filio improbo vita longior concederetur. Iam verò mortem Ionatæ socij sui

Sapient: 4.

Sapient: 4.

2 Reg: 18.

focij fui fideliffimi, amici fæderati & inregerrimi, quo nihil vnquam carius aut iucundius habuit, deplorauit quidem, fed vitam fuam pro vita ipsius profundere mortisq; discrimen subire non peroptauit. Ecquæ ratio istius rei est? Nimirum Ionatas pietatem Deo debitam femper coluit, parentibus se obsequentem & submissum præbuit: Absalon verò improbitatis & perfidiæ flagitio fædatus, conuictus, damnatus est: idcirco optabat sapientiffimus Rex, vt isti longior donaretur vita, illum autem, qui portum attigerat, fælicitatis, ad vitæ istius perferenda incommoda, minimè duxit retinendum. Præclarè admodum, S. Ælerdus rem præsentem exprimit, *Pium, (inquit) erat velle mori pro impio, vt effæt quem paniteret, effæt cui misere-* In specu :
retur Deus, ne in æternum, periret, at ille translatus ad charit:
requiem, non erat ulterius ad hanc miseriam, reuocandus. Lib: 3.
 cap: 34.

Ad te Illustriissime ac Reuerendissime Domine ALEXANDER TRZEBIENSKI Antistes Amplissime, Procancellarie Regni dignissime mea spectat Oratio, carissima Tua pignora, duo Filij Tui digni Te tanto parente, è gremio tuo fati erepti, cor tuum, paternum graui vulnere fauciarunt, pectus generosum, hac præcipiti & insperata ex hac vita commigratione terruerunt, affixerunt: verumtamen animi tui ægritudinem, & grauem dolorem, hac consolatione, veluti valido quodam pharmaco, lenias est est necesse, quòd dilecti Filij Tui, magis autem Deo Opt. Max. dilecti & placentes, è medio peccatorum, ad ædes sanctorum, à continua defatigatione ad requiem sempiternam, à naufragio ad portum, fælicissimæ patriæ sint translati, *Non igitur sunt ulterius ad hanc miseriam, reuocandi.* Liceat mihi Te Illustriissime Domine verbis

Senecæ compellare. *Ne itaq; inuideas filijs tuis tan-*
pro Polyb. *dem liberi, tandem tuti, tandem æterni sunt.* Æterni
vitiq; sunt propter singularem pietatem, cælestium
donorum affluentiam, & omnium virtutum congeriem,
quæ post funera viuunt, & viuent æternum. Liberi
sunt & tuti, credimus enim eos in illa beatorum Ci-
uium sede, vbi quies est sine impedimento, felici-
tas sine metu, æternitas sine fastidio conquieuisse.

Ad quam æternitatem, dum nos quoq; aspiramus;

Illustres Iuuenes immaturè distractos à nobis,

quos sibi cælum consecrauit, solennibus

pro more Christiano votis, omni-

bus studijs, & desiderio pro-

sequimur immortalì.

Dixi.





Seneca de consolatione ad Polybium.

POTEST & illa res à luctu te prohibere nimio, si tibi ipse renuntiaueris, nihil horum quæ facis posse subduci. Magnam tibi personam hominum consensus imposuit: hæc tibi tuenda est. Circumstat te omnis ista consolantium frequentia, & in animum tuum inquit, ac perspicit quantum roboris ille aduersus dolorem habeat, & vtrumne tu tantum rebus secundis dexterè vti scias, an & aduersas possis viriliter ferre, obseruantur oculi tui. Liberiora omnia sunt ijs, quorum affectus regi possunt. Tibi nullum secretum liberum est, in multa luce fortuna te posuit: omnes scient, quomodo te in isto tuo gesseris vulnere, vtrumne statim percussus arma submiseris, an in gradu steteris.

BIBLIOTHECA UNIV.



UNIVERSITATIS LEUVENAE

Ms. 1.14.

Biblioteka Jagiellońska



stdr0008219

